

陝西府縣志輯

中國地方志集成

嘉慶咸寧縣志
民國咸寧縣長志續編

陝西府縣志輯 ③

重修咸寧縣志序

咸寧古雍州地在漢唐俱隸畿內名凡屢易曰芷陽曰霸陵曰南陵杜陵曰萬年大興至唐天寶始改咸寧其間人物之盛衰風俗之沿革山川道里之廣狹城郭祠廟之遷徙政治賦役之損益使無志以紀之何由考古而證今信今而傳後哉前明郡邑志不啻充棟求其文簡事覈訓詞爾雅無如康對山誌武功呂涇野誌高陵韓五泉誌朝邑孫立山誌富平喬三石誌耀劉九經誌鄜王漢陂誌鄠張光孝誌華說者謂地率秦地人率秦人猶有黃圖決錄之遺何咸寧爲關輔首邑顧乃缺焉然則咸固無志乎非無志也有志而文不足傳不啻無志也邑之有志始自陳北海舊志稱其簡斷帙殘故刻無有於是前邑令穎上黃公創脩之觀其自序云簡而不括蓋國家嘗大定之初其簡編缺略不全者所在多有據所知見而誌之亦隱以俟後

咸寧縣志序

人踵成之也今者承平日久載籍極博學士家考據精詳如四庫全書皆搜羅不經見之秘是故制作大備典祀畢舉題咏所及勝蹟靡遺兼以科第日增風俗愈茂水利土宜悉臻完美忠孝廉節代不乏人則因而舉之不可以補前志之所未備乎余既守西安之明年邑令靜海高君倡率諸紳耆因舊志而增刪之其無關於世道人心者悉從淘汰其與長安毗連誤傳其故址者悉爲補正分爲圖表志傳一如史例爲卷廿有六爲目廿有三越三年書成請序於余余卒讀之見其簡而不遺括而不冗信乎志猶詩也足以備採風問俗之資志猶史也足以寓褒善貶惡之義是刻也又何多讓焉爰誌其顛末於篇端云嘉慶二十有四年歲次己卯冬十月知西安府事前翰林院編修江寧鄧廷楨敘

重修咸寧縣志序

誦訓掌道方志郡縣之志所由昉也關中稱名志七當時如康對山韓五泉諸先生皆以一代大手筆出其緒餘而爲之故言必有物卓然爲後人矩矱咸寧志創於勝國舊歷續修於國朝康熙七年考鏡亦頗詳贍迄今百餘年其與長安經界之離合田賦之增減兵制之沿革驛傳之繁簡鄉舉里選之多寡名宦鄉賢孝子節婦之可師可法者汗漫無紀日就汨沒此亦守土者之責也余承乏茲土惕然懼之因延鄉士夫之賢者采訪搜羅考據補緝簿書之暇與諸君子取舊志訂正之應補應續輒然就序始嘉慶丁丑年七月越己卯歲四月而創願告成焉前輩論史莫難於志來際通志之作自負爲獨創尙不免後人訾議以余不文於對山諸先生何能爲役然咸寧古帝都土厚水深風氣淳茂重以國家漸摩之澤文物禮教月異而歲不同是書之作公事稽之吏案私事據之家乘獨行軼聞質之耆老耳目所徵信上以述聖天子休養生息之盛次以彰各臺司承宣德化之賢下以紀邦人薰德善良之美所謂博我皇道宏我漢京者將於是乎在而豈區區一邑之掌故云爾哉謹識數言於簡端俾覽者知顛末焉皆嘉慶歲次己卯四月下澣知咸寧縣事靜海高廷法撰

咸寧縣志序

重修咸寧縣志序

邑乘之作所以備一代之掌故考時事之因革昭千秋之炯鑒而勸懲寓焉典至鉅也事至繁也非博雅不能探其蹟非簡古不能撮其要尤非留心典章表彰文獻者不能倡率而振興之矧咸寧爲全陝首邑秦漢迄唐帝王都會其間名流繼起制度文物無不足資考鏡可毋志乎考舊志成於康熙七年至嘉慶二十二年閱歲一百四十制度沿革風俗變遷不知其幾遷轉矣而卷冊散佚棗梨漫漶幾不可識見者有文獻不足之歎獨是邑居附郭政繁事劇百倍他邑爲之宰者疲於簿書期會無暇講求靜海高君以名孝廉筮仕秦中謁繁茲土視事一年廢無不舉慨然有振興文獻之志而首以邑乘爲謀時毘陵陸劭文茂才以老名士客虛舟中丞節署其高足董方立孝廉亦宏通博雅嗜古士也高君遂延其師弟主編輯徧延邑中方

戊 寧 縣 志 序

正知名士如大令于客汪君恩貢澹餘楊君副貢松巖趙君爲參訂從九恆一王君經營周密其採訪分校總校則有景周李君等二十七人越歲餘而書以成上溯周秦以迄 昭代無不細舉目張炳炳煥煥成一代之巨觀如陸君師弟可謂能探蹟撮要負一代之史才者矣如高君可謂能留心典章表彰文獻者矣如于客諸君子可謂能襄高君之美不孤高君之託者矣書既成余適繼高君宰是邑自維學識謏陋吏治迂疎百不逮高君之一親是書有忻然慕洪然汗者矣爰綴始末以志余之欽佩焉嘉慶歲次己卯嘉平朔日署咸寧縣事臨潼縣知縣江寧沈琮撰

咸寧縣志序

邑之有志志邑實也知其實而體之則邑治舉矣咸古無志有之自北海陳公始然歷世久遠版籍不存余承乏茲邑首詢及此徧索究未能得卽憤然思欲興舉適當會都御史賈公有徵志之檄遂敦禮士夫之賢者方爲彙集旣而獲其二卷補續成草以備通志採摭及竣遺落又半志乘邑治之大而顧聽其缺焉弗輯余知之謂何且何以模今範後耶於是再延邑士陳楊二子更爲修纂博採志記旁搜輿論無者有之冗者財之殘者補之譌者正之余不辭舛疎兼總而裁定之質之薦紳先生較閱而評序之凡六閱月而告竣余因撫卷而嘆曰邑無志而有志有志而無之又久更幾有無而志成志其易言哉或曰志卽史也宜其成之不易余曰否不然史志之全體志特史之一肢耳自典謨著而史之源開列國沿之各有史官以掌記時事

咸 寧 縣 志 序

春秋作而史之權重寓褒貶於褒貶筆削之中治天下之大機遂莫踰於此也厥後國廢而邑史遂流而爲志志者記也事詳而不譌詞簡而能括善善脩而惡惡短是其體爾然則將無有同乎曰其不同者論斷之微權而同者傳信之精義也且史之權 天子操之館閣治之諸侯不得而與况邑令乎哉故曰志者記也記其星輿而邑之時利可知也記其建置而邑之局度可知也記其田賦而邑之輸將可知也官師記而知其治化之得失選舉人物記而知其賢才忠孝之挺生古蹟雜志記而知其遺趾足以寄慨小道亦有可觀至於藝文記而經國之大業以著不朽之盛事以昭志者記也不信不如其無記不信卽知之亦不貴茲志也昉星輿訖藝文爲卷凡八自分野至志銘爲目九十有九質以殘本參以經傳證以詩史續以繼起更以跋涉訪以故老存其是者刈其非者辨其似是而非似非而是者

授之灰燼之餘歷以寒暑之久以不敢誣古之心不敢自誣即以不敢自誣之心並不敢誣後人也以云簡則簡矣以云能括則未也以云未詳則有之以云未真庶幾免矣况善善長而惡惡短尤其余之夙志哉異日者輶軒採風齋之史館筆削之下善以勸而惡以懲光山川而媚雲物其有藉於斯乎其有藉於斯乎寧啻余一時之知邑實一時之舉邑政也耶故既壽梨棗而弁余言以爲序康熙七年歲次戊申菊月之吉文林郎知威寧縣事額上黃家鼎撰

威寧縣志序

威寧縣志舊序

西安在秦地爲首郡而威寧隸之則爲首邑歲庚戌余以繁調茲邑甫下車亟索縣志觀之咸應之曰無時蓋深訝之而未遑也越壬子歲通時豐政務簡息始可以握鉛槧而論汗青矣遂庀諸學翰許君暨何秦韓三雋士以領之屬邑丞張君以董其事閱月而編竣乃就正于鄉大夫弘廷王公徧加筆削而志始定焉仰羅星文俯察井牧中決人事旁撫物情其事核其詞文彰美惡於既往激頑懦於方來蓋備才學識三長而發之謂以志兼史之義者近是方之今日邑乘固未易數數見也蓋是志非由往牒惟出獨板以開百餘祀未葺之典而於利病臧否沿革規璣之間尤周悉篤摯足垂永鑒令人繫思不亡大凡人情鑒則奮奮則思故分封者鑒焉必思樂善謹度愈囑榮問爲名藩司土者鑒焉必思興衰補弊矢志又安爲良吏薪樞者

威寧縣志序

鑒焉必思懋德樹勛步先哲之芳躅爲鄉之令人以彰政教以端風化其裨益于吏治民生關係詎淺鮮也典索不可作已殆太史公之逸駕與若夫裒益斟酌以垂考鏡於無窮是在後之君子余弗能無厚望焉萬歷壬子吉旦賜進士第文林郎知威寧縣事北海陳王庭撰

重修咸寧縣志職官名氏

總纂

咸寧縣知縣陞商州直隸州知州高廷法

署咸寧縣事臨潼縣知縣沈琮

編輯

廩生陸耀通

舉人董祐誠

參訂

原任直隸沙河縣知縣汪應桂

恩貢楊調鼎

副貢趙嵩年

採訪

咸寧縣志名氏

舉人李發濂

舉人劉兆泰

候補教諭李庭瑞

舉人安兆民

候選知縣馬應宿

候補教諭金程

歲貢王維典

廩生王士清

廩生馬步月

廩生孫家驥

廩生吳鴻典

生員李夢元

生員于恂

生員趙振翼

生員鄭人瑞

生員胡瑩

生員傅彬

生員楊慈蔭

總校咸寧縣縣丞楊元泗

咸寧縣儒學教諭劉訪

咸寧縣儒學訓導范芝

分校人李沐霖

舉人熊兆

從九王淳敬

生員李含芳

校刊咸寧縣典史陞漢中府沔縣縣丞戴廷棟

咸寧縣典史朱桂嶺

咸寧縣志目錄

卷一

疆域山川經緯道里城郭坊社圖

卷二

歷代疆域水道城郭宮室名勝圖上

卷三

歷代疆域水道城郭宮室名勝圖中

卷四

歷代疆域水道城郭宮室名勝圖下

卷五

紀事沿革表上

卷六

紀事沿革表下

卷七

職官表

卷八

選舉表上

卷九

選舉表下

卷十

地理志

卷十一

田賦志

卷十二

祠祀志

卷十三

衙署志

學校志

卷十四

陵墓志

卷十五

經籍志

卷十六

金石志

卷十七

良吏傳

咸寧縣志

卷十八

列傳上

卷十九

列傳中

卷二十

列傳下

卷二十一

忠節傳

卷二十二

孝友傳

義行傳

卷二十三

儒學傳

文藝傳

卷二十四

隱逸傳

方技傳

卷二十五

列女傳上

卷二十六

列女傳下

咸寧縣志卷首

凡例

圖表志傳四者不具不可以爲志近代方志多詳志傳而略圖表方位道里非圖則廣輪不明沿革紀事職官選舉非表則經緯不具蓋有文字者曰志曰傳無文字者曰圖曰表而圖則有準望分率之法表則有旁行邪上之例無文字者未始不條理秩然故梅文穆公曰史雖無圖然表亦圖之類使并圖表去之則胥吏之檔冊非古人以地理入史部之意矣今志首圖次表次志次傳悉如史例宋人方志無不著所採書名者近代引書多不著所本遂使眞贋相參後人無所考證今志凡引用羣書必注明書目卽縣冊採訪冊亦必注明庶免無本之誚

圖以開方經緯爲主摹擬景物非圖之要也今自城社山谷歷代疆

域古渠舊城悉具於圖圖系以考與志相表裏

喬三石耀州志稱星野爲秦蜀所共一州二縣小不書其論甚允一州二縣尙不足書况一縣乎惟地平經緯恆以二百里差一度咸寧境之錯入他縣中者至三百餘里之遠晨昏晝夜皆有積差謹遵欽定西域圖志載晷度例作縣境經緯圖而星野則從刪

長安咸寧並治郭下今城圖內兼及長安諸坊藉見會城全制其分圖則惟載咸寧以存界域

入旗駐防城雖由縣境分出然直隸京師非志所得載今惟全城圖內略具大凡他如衙署志止載將軍副都統署祀祠志惟載昭忠節孝祠其餘典章制度名臣碩彥俱不敢載入以符體制

山原脈絡水道原委地理志綜其大綱仍於各社圖後分註始末務使綱目分明

南山溪谷錯雜道里紆迴今依山脈自西而東繪爲長途其唐溝錯入鎮安龍王廟溝錯入藍田者別附於後

歷代沿革非圖無以明疆域非考又無以明圖今皆詳爲考證標以今名

方志考古多言在縣某方或言某方幾里方隅遼闊求古蹟者何所指證今志於考據古蹟必實指其地某村疑者缺之不敢臆斷

隋唐京城制度宋敏求長安志至爲詳悉近惟畢氏經訓堂有刊本然宮殿方位間有舛訛諸坊亦多錯漏別無善本可校今以六典唐書及百家傳說互爲攷證具之於圖仍錄原文於考中

元李好文長安圖中三內等圖並與宋志互異以相傳既久附存之宋志禁苑甚略則直以李氏圖爲本通志及縣舊志所圖隋唐都城舛誤百出不可枚舉今悉以宋志爲準

咸寧縣志卷首凡例

唐城今城合繪一圖以朱墨別之一覽了然俾知世稱古蹟或係訛傳如祭臺爲或出後人移建如開元花塔諸寺考古者庶不惑於流俗

宋金元城與今城大同小異分爲圖考明城則除駐防城外悉與今同不更圖

城南古蹟最多今據宋張茂中記爲圖全錄記文於後考趙嶠記與張記相表裏亦錄之凡諸名勝之無類可歸者亦附篇末

隋以前皆都長安故城凡京師之事與縣無涉今斷自隋以下紀事惟取事之隸於地者他皆不書又有事雖隸於地而實不在境上者如秦悼太子葬止陽在藍田宣太后葬蔭陽在臨潼之類皆不書

北周以前之萬年在今臨潼渭北唐之咸寧郡在今宜川皆與縣無涉舊志名宦載晉萬年令王育咸寧郡太守趙奉璋田賦載唐咸寧郡戶口數人物載三國萬年人楊沛皆爲訂正

咸寧志初始於陳北海其書不傳今所稱舊志爲康熙七年知縣黃家鼎所修其稱長安志則宋敏求所撰至新修長安志則稱長安縣志以別之舊志修於國初時方草創書籍未備凡所援引舛漏頗多今悉爲補正即職官一表唐宋令丞等補至八九十人其餘典章人物務詳於徵引而嚴於考覈舊志凡引故書不注所出悉檢舊文爲之補注有未詳所出者亦注明舊志不敢鑿空

紀年不宜純用甲子科目必書某年史例也今選舉表遇鄉會試皆書某年某科

鄉飲賓介猶古人鄉舉里選之遺意附見選舉表

地理志敘山川皆以脈絡源流爲次圖詳其目志則統其綱也

舊志景致非典章所係後人以意增加或入景或十景且否園賜宴等亦非今時景物從刪

咸寧縣志卷首凡例

至治之世國無殊俗即民間歲時風景全郡略同無庸專志今仿班史之例約舉四方風俗具於地理志

咸寧無異產杭稻黍稷土地所宜舉其大凡舊志臚列所有至螢蚊蜥蜴不可勝書今刪

戶口舊附田賦自康熙恩詔後續生人丁作爲盛世滋生冊永不加賦而戶口與田賦分而爲二保甲之法以地統人至爲覈實以嘉慶二十一年保甲冊爲準如歷代史志例附入地理志而田賦志內則惟載舊時丁額

附郭之縣壇廟衙署散在兩邑今惟志在境內者

寺觀等雖非典章然相沿已久今仍陝西通志例附祠祀末諸祠宇必書祀某人惟孝弟昭忠節孝等俱見傳中不復載

歷代祠廟官署已見圖考者志中不重見

通省志序例稱事關直省通行載在會典等書者如樂章樂器等類非秦志所宜書通省志且不載何論一縣咸寧文廟統於府學尤不宜載及直省通行之典禮舊志樂器等既多漏略而樂攷等篇爲隋唐一代通制載於縣志尤爲非體今刪

陵墓前人附會者多今悉爲辨正仍存原文以示闕疑之義

舊志藝文序稱無碑世道雖美勿彰斯言最爲得體然揆其所收自相矛盾如牛頭寺二十詠豈關世道耶且倣此而收不可勝紀收封張安世詔則唐代諸制詞皆當全錄矣收唐太宗建三師詔則歷代建學諸詔皆當全錄矣收張敞之書朱博之奏蘇武之詩杜甫之西嶽賦杜牧之阿房宮賦及後人之四川鄉試錄序等篇則從唐以來縣人文集皆當全錄矣收貞觀先農樂章先蠶樂章則隋唐郊廟樂歌皆當全錄矣載唐中宗內殿宴詩章述集賢宴詩則唐人公宴諸作皆當全錄矣本傳之外更載銘志則唐宋文集所載咸寧人碑碣皆得備書陵墓之下復載墓銘則碑林諸石及他志碣全文亦應悉載如此則增至數十百卷尙在掛漏今依宋羅願新安志例附藝文於各條不另立名目惟有闕典章制度及風俗人心者得載

經籍之志始於隋書與漢書藝文志名異實同皆志著書篇目今從隋志仍以四部爲綱碑林石刻甲于海內首冠本朝列聖御書尊尊之義餘皆以時代爲次碑林而外幢碣甚多有著錄家所未見者有已錄而今佚者有原出縣中而後移他所者有出自他所而爲縣人收藏者分別錄之

傳首良吏爲官斯土者勸也先賢先達以列傳統之其忠節孝友義行儒學文藝隱逸方技仍如史例分傳數世同居者列孝友傳其親見七代五代一堂者類及焉都邑流寓不可勝書非徙居如田何舊

望如杜甫者雖第宅見於坊圖邱壟紀於墓志概不牽合

邑人未論定者不入傳惟節婦例得旌表者或專傳或合傳以時代爲次耆民葆性養真附之隱逸壽婦入列女傳


縣志自康熙七年纂修迄今一百七十餘載徵文考獻墜緒難求茲以嘉慶二十二年七月開局紳士採訪必公必勤惟慎惟速爰爲并日編輯於次年四月草創粗具討論修飾俟諸大雅焉武進陸耀遒陽湖董祐誠同記

縣境經緯

夏至晝長五十七刻三分偏于 京師西七度三十三分加時

南界北極出地三十二度三十分冬至晝短三十九刻七分夏至晝長五十六刻八分

東界偏西七度一十八分加時早一刻十四分



東路

十里十里舖又十里霸橋又五里豁口舖又五里邵平店又五里地窖子入臨潼路

北路

東北路

東南路

二十五里鮑陂又二十五里引駕迴又十里大峪口入山又二十


南路

十里長延堡又十里韋曲又五里申店又十里皇甫村又五里王曲又十里五台留村抵南山

咸寧縣志 卷一

城圖


五





咸寧縣志 卷一

縣治東路圖

六





東西一千八十五步南北九百一十四步

南自元興社東接韓森社西接城北入嶺垣塚社

龍首渠 自韓森社金花落入郭門南爲冰窖又東入東城壕

尾
至

卷八

列


卷

縣城山川經緯遺里城郭坊社圖

九


南郭

東西一百九十步南北三百五十步



北郭圖

寶慶寺厲壇



北郭

東西二百三十二步南北四百四十步

咸寧

糸

天

卷一

新川山

和道川が穿つ

1

+

二十九社全圖


每方十服

1

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----


1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

12



沙谷堆社圖 西南至縣治十二里

東鄉社三



沙谷堆社


龍首原 南自幹垣堤社並北東入午門社

瀨水 自路家灣社瀨橋街南流入東北流入務莊社

瀨水 自幹垣堤社新莊東流入北流入務莊午門兩社間

路家灣社圖 每方二里

東鄉社四



路家灣社

銅人原 東起臨潼縣山南接惠家莊社北入臨潼界

瀨水 自惠家莊社南流入西北流還瀨橋街東南洪慶河

洪慶河 自臨潼縣界流入西南流還瀨橋街東南入于瀨